

錢烈士死
事紀略

屠寄



危芝銘
留閱

782,88
933-789

錢義士守堯死事紀略目次

- 一序
- 二遺像
- 三追悼會攝影
- 四紀念碑攝影
- 五傳
- 六遺墨
- 七紀事
- 八哀辭
- 九餘錄
- 十後序

錢烈士守堯死事紀略

目次

錢烈士守堯死事紀略

自次



勘誤表

誤

挽

泣

弱不好弄

惟

匾

失

朴

桂

載

爭

隨

龍

調寄鷓鴣天二則
潢池劇盜下五行

正

輓

泫

無此四字

並

無此字

夫

扑

柱

戴

事

墮

彪

應列詞下
應列詩下

頁數

一一

一一

一一

一四

一一

二九

三八

四三

四九

五二

六一

六二

六三
六三
六三

行數

五

一五

一四

一四

五

五

三

一

一

五

九

四

七一



序

或有問於余曰錢君爲叛兵襲擊而死雖因倉卒無械然未禦寇未立功而詩詞輓聯均以義士目之得無過歟余愀然曰子亦知義之命名乎義者宜也事之當然也鄂渚首倡革命天下騷然響應秩序紛如吾邑地連三省寇盜之逋逃蔽其乘隙而動殆意計中事保安會之設所以自衛也亦事之所當然也然各有身家而獨此百十隊員振奮而起巡繳全城代爲衛之不受餉糈專謀公益一旦有事身當其衝且明知有此危險而踴躍以赴積久不懈庸非義乎而錢君更慘遭擊斃詩詞輓聯羣以義士稱之殆毫無愧色矣因保一城而有會因有會而爲叛賊之所忌因忌斯會欲破敗之以求逞其志而錢君以死當是時使匪得盡取槍彈而司令吳君亦無從蹂登屋頂放槍不絕彼知我備盡失則肆無顧忌蹂躪全城死亡損失殆難數計勢不至如京津保定之糜爛不止嗟乎彼非讎錢君也亦非讎保安會也特涎我全城之金錢貨物子女玉帛也毀此保護全城之機關則其志始得逞不幸而錢君適一人當之死一錢君而全城之生命俱全全城之金錢貨物子女玉帛無毫髮損一人犯難合境俱安乃僅僅以詩詞輓聯哀之亦聊以慰其蹈義而死冀留此紀念爲後人慕義而起之表式云爾子何惑焉且近有上海黃義士因奮身救火梯傾墮地而死滬人士開會悼之詩聯哀之集金賻之咸嘖嘖歎爲義烈士若如子言

錢烈士守堯死事紀略 序

二

是必葬身火窟乃得爲義毋亦爲通人所竊笑乎客愜然而退適錢君之兄企裴君告余以哀思錄已哀集成帙將以付梓爰和淚濡墨而以弁其端

拙叟徐致章題跋



錢起英遺像

錢君起英宜興人全同其卓卓
倫君之為也宣城走復鄉里未



請君入保

安國衛妻

梓防兵

之文君奮

與抗中彈死時年僅一十有
七呼為義勇力盡備已吳奕識

(詞) 金縷曲

一紙從頭讀儘淒涼劍花彈雨斯人莫贖天遠
難窮誰鑄錯剩有高名難沒記陽羨茶香正熟
夾岸樓船驚變色忍無端桑梓供魚肉投袂起
鼓聲惡 蘭陵負笈青青髮數頻年少年裘馬
羣推英物莫道書生談紙上孺子居然殤國更
顧盼中原如墨人盡臨危知狗義算金甌終古
圓無缺錢君者真豪傑

叔怡張棟

一 影 攝 會 悼 追



追悼會攝影二



黃帝紀元四千六百九年十一月

錢義士守堯被難處

保安會全體勒石

歲辛亥十一月宜邑飛划兵變
保安團隊長錢守堯在駐地厚
餘堂防禦中彈身亡同人哀痛之
餘爰於殉難之處豎碑紀念以
誌不朽云

覺斯吳育萬誌

傳一

程 道

烈士錢姓名守堯字啓鑿嘯霞其別號也父青以名諸生熱心公益爲鄉里所推重有丈夫子三烈士居仲生於前清乙未穎悟異常兒九歲出就外傳年十二授經書畢下筆爲文疎宕有奇氣入本邑高小學肄業學益進旋畢業升入常州中學每試輒優等歷數学期未一缺席校長特獎勤字徽章及名譽證書以示優異時值清末百事廢弛教育尤無定程烈士默居深念知非尙武不足以強國故好爲擊刺術平時熱血盈涌慷慨發言隱然以軍國民自命郡校固以美術稱烈士又性嗜畫遂益肆力於中西繪事庚戌秋南洋開勸業大會徵集郡校各種畫品烈士佔多數過教育館者咸嘖嘖稱賞當事咨請前農工商部奏獎一等銅牌及超等銀牌各一其游藝之精又如此烈士內行肫摯居母夫人之喪哀毀柴立曾撰思親文以志永慕至文根乎至性讀者幾不辨是墨是淚也辛亥秋武漢事起郡校輟學烈士歸宜入保安團任隊長晝操夜巡罔辭勞瘁十一月二日飛划營之變闖入刼械烈士適駐所目覩軍裝之資敵團友之受創皆裂髮指奔告同伍思設伏路隅以蹙之甫出戶而流彈轟至仆地遽歿烏虜傷已划匪旋伏誅鄉人爲烈士勒碑被難處復就瀛園隙地構祠三楹以奉血衣栗主並祀者爲吳祿元烈士同隸團籍在操地誤傷畢命人稱二烈云君父以慟子故踰月亦歿伯兄卓倫念遭家之多難悲同氣之

先零將刊哀錄以垂永久屬適文以傳之爲詮次其事如右

論曰烈士英多磊落後起之雄天永其年烏測所至不意執干戈衛社稷以鄉團始以國殤終喋血里門長才短折抑何造物之不仁耶猶憶匪警之夕余方鍵戶居憂隔牆咫尺疊聞槍聲旋報賊去而烈士已傷且逝至今猶爲心悸雖然人孰無死泰山鴻毛之辨則於其輕重分之若烈士之爲衆流血以身成仁撫空碑而謁叢祠其亦愈於倖生者矣

傳二

徐秀南

錢守堯字啓鑿號嘯霞自號眉瘧江蘇宜興人秉性溫誠幼而好學年九齡入塾天資穎敏爲諸生冠歲丙午攷取本邑高小學插入三年級研究各科不遺餘力而於國文英算進步尤捷暇時復與諸同志演習各種技術毅然以學成軍國民自命己酉春舉行畢業得受優等證書秋間升取常州府中學益事勤奮雖星期孜孜不輟校中特獎勤字名譽銀牌以示嘉勵生平喜習繪畫入中學後志益堅學益進同人多以荆關目之庚戌秋南洋舉行勸業會君繪就各種西法畫稿陳列教育館內中外人士赴會參觀者莫不嘖嘖稱羨當經清督撫獎授金銀牌各一方并咨由清農工商部獎以名譽證書而陳列館內各品未及會畢均爲有識者爭相購罄得鉅資以三分之二報効常中學經費其熱心公益有如此者辛亥夏君以暑假歸組織女子暑餘圖畫講習社從學者三十餘人授課僅匝月而成效已卓然可觀秋八月武漢起義常中學因經費支絀停課散校君於重九先一日抵里時人心浮動謠詠紛紜山蠻土棍狡焉思逞者久之君爲保全地方安寧起見諸同志籌辦保安會充當隊長並赴滬購置槍械多件日則操練夜則梭巡不越月秩序漸復閭閻井然鄉人士咸歸功於保安會不置詎駐宜之飛划營意圖搶劫先是警務所所長徐亞伯於光復宜興日請飛划營長官羅某到所陳以大義曉以利害羅雖首肯

然逆計其居心叵測後必爲害因赴滬購辦槍械爲杜漸防微計嗣以北遊未返而該營之變志遂決於十一月初二日傍晚中變襲擊保安會所君在駐守聞變急欲招隊抵禦突圍而出亂兵知君勇而有謀也遂逆面轟擊彈自左腕側入至右肩下出血染衫襟澹然長逝矣就義之日年僅有十七邑人以其爲國而死義烈可風爲之開追悼會并勒石以誌之

遺墨

列士文稿甚夥泰半散佚而圖畫書法尤生平所特長然精者畫就輒被友人索去故所存遺墨僅於故紙堆中得之此雖不足見烈士能事於萬一然片光吉羽彌足珍已 菊司誌

言志篇在常州中學所作

蓋志者吾人立身之符契而君子小人之所由分也是故聖賢之志在補救天下如孔孟是也小人之志在賊亂天下如莽操是也夫志也者猶流水然決之東方則東流決之西方則西流故立志爲人生第一要事孔子有使弟子言志之事余先生亦喜聞之時屈孟夏之月天氣清明惠風暢朗于兼習國文時姑陳區區之願可乎夫人生之所最希望者福福者壽富康寧考終命是也而余惟攸好德蓋其外四者皆不可必也謂壽可必乎顏淵天矣謂富可必乎夷齊餓矣謂康寧可必乎孔子厄于陳蔡矣謂考終命可必乎龍逢比干不得其死矣而德則所得于已者也飯蔬食飲水曲肱而枕之樂亦在其中矣何必富朝聞道夕死可矣何必壽素富貴行乎富貴素貧賤行乎貧賤素夷狄行乎夷狄素患難行乎患難君子無入而不自得焉何必康寧生我所欲也義亦我所願也二者不可兼得舍生而取義者也何必考終命是故君子坦蕩蕩惟有德也小人長戚戚唯無德也夫終身坦蕩而無戚戚之意則福莫大于此矣此篇見諸俞曲園經義雜說余頗佩其言故誌之以爲余終身之志倘再得范文正之志岳武穆之勇陶侃之勤張良之才伴諸葛友

蘇子與謝安共弈。赤松同遊。則更吾之願也。敢布腹心。得毋笑其夸乎。

思親傳 辛亥三月初四日在常州中學作此係前段而後段于初六日續作稿已佚去

往年臘月中旬余自校歸舍至家中時大小欣迎朝夕承懽融融洩洩雖天下之至樂莫有加于此矣念八日兄自蘇返益覺熱鬧開歲新春舉家祝慶閤叩安寧唯母親方娠渴望接生而時不乘機開學在邇二十日趁輪赴常余常以爲念二十七日後忽夜不成眠余心益悸遂遞稟道問未及得復而二十九日黃昏速電猝至報母親已逝頓令戰慄不休哀號無狀心碎舌裂徒喚奈何其電文曰母死速歸余闕之不勝涕泗滂沱泣血沾衾夜眠不寐反覆輾轉忽覺靈已至家見母坐中堂姊妹侍旁作喜容余欣以爲電傳之非其真也既已忽醒 未完

魯成欲求成于楚以叛晉論 在常州中學所作

君子憂我之弱而不憂敵之強。憂我之愚而不憂敵之智。強者弱之對也。我苟不弱則天下無強兵。智者愚之對也。我苟不愚則天下無智敵。而魯成則反乎。是不憂己之頹弱而徒憂人之強盛。不知己之無以制人而徒懟己之受制於人。斯亦愚拙矣。魯成之四年公至自晉以見晉君不禮焉。遂欲叛就楚。幸季文子諫之。乃止。夫當魯成之際。晉楚爭霸。魯勢微衰。當時弱小之邦不歸之楚。則入與晉不入與晉。則歸之楚。皆不能自主。獨立而依

附于晉楚受二國之保護者也是以晉楚爲當時諸侯之主此亦無怪乎其侈然自大而施無禮於諸侯也不觀夫今之同盟者乎名爲與盟實則保護也朝鮮之受日盟也而朝鮮卽滅于日矣印度之被英保護也而印度卽吞于英矣然則受盟者非特爲之保護乃蠶食也魯不能力圖自強而不懟晉之不敬魯欲求成于楚何愚如之耶夫晉楚兩國雄強當時是以憾晉而歸楚者非僅一魯但試問晉與魯之關係與楚與魯之關係孰親孰疎孰重孰輕也則必曰親而重者晉也疎而輕者楚也蓋晉與魯兄弟之國也晉爲盟主魯實賴之汝陽之田晉紵齊臂而得之以授之魯能恤小矣荀庚來聘且尋盟能親親矣是晉非無魯也卽有小忿捐焉可也焉可以背晉而與楚成哉夫楚蠻夷之國唯是風馬牛不相及也矧魯于同族之中不能睦協而異心之國其能字之者吾不信也況楚豺狼之國乎故吾曰幸季文子之諫也方今列強四逼垂涎中土國勢日蹙是猶魯成之時也爲今之計莫若外託和平之名內懷進取之志懲前毖後發憤自強庶可免瓜分之慘而永保我中國之國魂耳願以告諸當道者

擬鄭經報賴塔書在常州中學所作

竊憶先朝自神熹二宗之後元氣盡漸國脈垂絕生計日艱民不聊生幸而莊烈繼統銳意更始用人行政煥然一新雖天災流行饑饉洊臻流寇內訌蹂躪蒼生海內望治莫不

歸懷大國率兵入關代平流賊救災恤鄰固大國之惠也豈敢忘之乃大國自入關以來不復北歸欲以代政中土奪我河山是以有辱先帝之命敢與將軍抗衡至今則中原嶠嶺盡入版圖明祀已殄區區之命懸于將軍之手矣愚雖非識時務者豈懷噓已灰之炤哉唯念先帝及二祖烈宗之恩與祖父之囑不敢負耳頃辱示諭敬悉以還方寸土仍存三恪是將軍莫大之恩也休養生息永息荼炭敢不謹如所命恭此作覆唯希垂譽

一 影 攝 墨 遺 士 烈 錢




錢烈士遺墨攝影二



三影攝墨遺十烈錢



錢烈士遺墨攝影四



保安會全體追悼會紀事

徐棣華述

辛亥仲冬吾邑客兵肇亂保安團隊長錢君死之是時距光復未兩月人心浮動大局粗定客兵乘隙竊發蹂躪吾邑君一青年俊秀突遇鄉里有警不惜遠大之才毅然犧牲其身以赴合邑之難君死而客兵卒以退地方賴以安邑人思君德哀君志越被難二十一日追悼君於邑之厚餘堂撰挽聯哀辭者以數百計贈花圈者以數十計軍商學各界蒞會者素車白馬途爲之塞始奏樂次致祭次演說次攝影終閉會成禮而退秩序井然當演說君之歷史及被難之慘狀時保安會同志暨君府中校同學咸泣下沾襟不能仰視來賓致奠者無論知君不知君亦皆咨嗟嘆息悼惜君之不得其死彼蒼者天殲我良人如可贖兮人百其身秦人三良之痛日磬伯嗜之嘆殆不能逾於此矣人誰不死死得其死所彼碌碌與草木同腐者夥矣其追悼之情形視君爲何如耶人死私君死公人死病君死義死之事不同斯人之感情異也君兄啓蓑先生以君之追悼記事屬余余義不當辭爰濡筆記追悼時之梗概焉至君之行事則詳君傳中茲不贅

常州同學追悼紀事

任德成述

辛亥之冬十一月旣望同人等悲錢君之殉義特假宜城厚餘堂招集錢君舊雨開會追悼以誌哀思是日蒞會者不下千餘人邑中父老及士大夫亦均聞訊來弔莫不泣然涕

下以弔斯人之不壽午後二時許奏樂開會請來賓展覽會場之佈置精密中懸錢君肖像着軍人制服勃勃然有英氣輓聯誄辭殆徧廊下白球花圈懸設盈庭側室懸錢君遺蹟書畫燦爛觀者莫不驚異三時搖鈴來賓入座首由吳君誼潮宣布開會辭略謂錢君企英不死於疾不死於醫而死於敵錢君胡爲而死耶胡不偷生以苟全耶竟捨身以死義殺生而成仁是錢君之死非爲一己而死爲合城保全而死也謂宜興爲錢君之再造宜興誠不是過次由德咸宣布錢君歷史次由章君恩甲宣布錢君慘斃情形旋由地方父老暨各尊長相繼演說或宣述錢君於地方之關係或痛陳錢君之爲人并死事之義烈復由潘君志濂宣讀祭文哀音悱惻聞者皆淚涔涔下次奏追悼歌全體起立向靈前行三鞠躬禮禮畢搖鈴散會時已向暮矣是日也天氣清明朔風凜冽嗚呼錢君死矣雨雪霏霏非錢君殉義之日乎今日設奠追悼吾儕之惓惓於錢君者其知之耶其不知之耶

舉襄紀事

朱應辰述

錢君守堯之遇亂而死也闔邑之人無不悲其遇憐其才而欽其勇及其葬也城中士女奔走相告曰此錢義士舉襄日也盍往觀乎是日也天朗氣清一若壯義士之行色者飄揚前導者五色之國徽也擎槍相衛者軍警之護從也踰踰濟濟者來賓之執紼也參差

雜出者各界所贈之花圈輓聯及旗幟也羅列滿亭者粲然之遺績也殷色斑剝陳列於八人肩輿中者則遇難時之血衣也末後殿以子弟兵一隊於赳赳之中隱寓戚戚之意則保安團同隊隊員也當日道旁觀者如堵途爲之塞無論婦孺爭以一覩遺像爲快見儀從之盛則欣然羨見成績之美則翕然譽見遺像之英爽則肅然起敬見血衣之模糊則戚然淚下靈櫬既過觀者無不動容而邑人之巷祭者更相屬於道殆不下百數十家嗚呼君生纔十有七齡耳而能動人羨令人譽起人敬致人悲若此果何道哉則死得其正也太史公曰死有重於泰山或輕於鴻毛錢君之死殆泰山之重歟

哀辭 保安會全體

維黃帝紀元四千六百有九年一陽初生之月甲子朔越十有四日丁丑保安會會長徐致章暨會隊諸友謹以自由之花鐵血之酒光復之旂饒譟之曲致祭於 中華民國義士宜荆高小學畢業常州府中學三年級優等生獲受名譽證書保安會隊長錢君企英之靈曰於戲君生纔十有七齡耳孔子曰能執干戈以衛社稷可無殤也君之謂矣方匪徒數十人之突如其來也君以一介書生冒槍林彈雨而出明知此行必死而顧不避者愛羣之心勝不惜犧牲一身以謀公益設幸而脫險必能召集同志布置羅網以迎擊於要途彼匪黨可無噍類豈不大快而無如匪之先已慮及也不然彼匪志在劫槍械耳何必殺君然而君竟以此成名矣於戲以如是勇往直前之氣卽編之敢死隊中同心戮力以討漢奸亦何多讓而惜乎其大才小用也君之油畫山水及各種書法並皆佳妙見者驚爲美術專家南洋勸業會及常州物產會久有評定又況物以人傳吾知他年民國一統必有中外熱心之士不惜鉅金求得其尺紙寸絹作紀念品者夫豈藉區區獎牌獎憑始足增其聲價哉君之日記自十二齡正月朔日起至本月初二日捐軀之日止無一日間斷條分縷晰且多偉論弱不好弄惟喜習書畫暇輒以軍器樂器爲遊戲之具敝衣粗食常自以爲樂平時發言每以學成軍國民資格爲念事親至孝母沒恆背人而泣今繹

其日記中思親之作墨瀋尙淋漓也於戲君死矣君不死矣於戲哀哉尙 鑒

常州中學同學

維黃帝紀元四千六百九年歲次辛亥庚子月甲子朔越十月有四日世弟任熙吳宗海吳士嘉吳福和潘志瀛史國粹許驥徐咸慶朱其藻朱銘熙章恩甲謹追悼於我亡友啓英錢君之靈而誄之曰嗚呼聚散死生之感豈唯同學然哉而同學迺更有不能自遣者此亦古今之大凡矣同學翹楚莫錢君若錢君由小學升中學負笈毗陵三稔於茲弟等追步後塵相得甚至進校伊始渥蒙照拂規則未悉君維時其曉之風土未諳君維時其迪之課餘問難不明不措星期出入不齊不發同學若手足然則甚喜會以世變中學爲罷謝遺生徒雲流風散向之合者今忽焉離向之盛者今忽焉衰回思一堂聚首時安知其至此則甚恨然猶曰聚者可散散者仍可聚異日中學接續辦理則同志研摩何遽不曩時若也何居自九月初旬散校至十有一月初旬纔閱五十餘日變起倉卒凶聞突來至此而死者不可復生散者乃不可復聚矣是不唯開校時所不料抑亦散校時所未計及矣同學始而甚駭旣而甚疑終乃甚痛曷駭乎爾駭夫明哲如君宜可保身何罹此鞠凶也曷疑乎爾疑夫傳之非其眞卽眞矣延醫診治或可挽回萬一也乃至馳眎果非虛語則音容長逝警歎難問云胡不痛窆窆告寔行有日矣弟等謹贅蕪詞聊申微意魂而

有靈來格來歆嗚呼哀哉尙 饗

民政署

維中華民國元年歲次壬子正月丙子朔越三日戊寅民政長儲南強暨全體佐治職員公致祭於義士錢君之靈曰嗚呼錢君丁是慘酷無知不知同聲一哭人生斯世孰無終期爲大義死死甘於飴猶嗟錢君榮名不朽十七之齡匪天伊壽蠢茲悍卒虺毒狼貪覬我利器日伺眈眈乙丑日晡妖孽陡作攻我民團飛彈雨落猝無倣備地隘人稀君奮不顧挺身當之槍機一鳴玉山遽倒碧血瀉塵其容肆好暴徒悔禍掠械遁逃械則已矣喪我賢豪掖君就榻血染我衣呼君不應神歸太微嗚呼錢君嗜學不厭擷菁薈華運鉛刻槩繪事之妙尤莫與倫彩墨炭漆罔不逼真今君云亡遺翰在壁我瞻顧之涕泗如溢嗚呼錢君制行尤醇居家孝弟接物洵洵斂氣正容笑言不苟少若老成吾黨畏友今君溘逝遺父與兄撫尸一慟昊天無情乾坤轉旋民國肇建更始改元規模宏遠從茲宇內息戰休兵共和行政億載太平毅魄久莊英魂未昧設祭告君君心庶慰尙 饗

任應甲等

維中華民國元年 月號同學如兄任應甲周鳳鳴史允恭等敬以花圈杯酒致祭於保安團隊長如弟守堯錢君之靈曰嗚呼哀哉夫有生必死自故皆然身沒名垂先哲所躋

犧牲身命志士本懷惟君之懿早歲蜚聲學究各科義高同儕少尙氣節慷慨激昂值光復之初伏莽思逞地方杌隉風鶴震驚兵無加衛墉不增築惴惴士女巷哭街號翳惟我公糾合同志勗立保安投筆從戎荷槍督隊保茲桑梓拯其陸危長城之倚喆人是恃乃划營增戍索餉喧嘩倉猝之間挺身赴難排解莫及徒手遭殃槍聲一鳴殲我吉士熱血空洒黑鐵無情銜恨以終早世卽冥誰謂不痛蘭薰而摧誰謂不傷玉纈則折無妄橫罹徒喚奈何嗚呼悠悠蒼天曾未匝月父子繼隕何痛斯甚雖元凶就戮庶慰冤魂勒石表忠共傳義士罔論遐邇咸爲悲辛屬在蘭盟尤當墮淚然存亡永訣逝者不追望子遺像覽爾血衣愔抑失聲迸涕交揮以此寫哀敬陳奠饋

兄卓倫

嗚呼吾亡弟企英今距爾殞之日倏然年餘矣夫爾之殞也或稱之爲社會犧牲或輓之爲爲國捐軀果爾吾誠不敢爲吾弟斷也若眞爲社會犧牲爲國捐軀也則死之得當死之光明吾當欣之幸之慶之祝之烏乎哭諸從有不忍不哭者哭乎手足誼哭乎親愛情聚首一堂幼則同遊同息長則相磋相勵絕無爭執意見之嫌十餘年如一日雍睦之風爲何如乎猶憶吾弟之始生也舉家慶之戚族譽之容態壯偉凸額黑膚左眉有痣先考知非俗品鍾愛殊深迨其就學也聰穎冠人由小學而中學進步捷學業勤繪畫之工且

隨在稱道弗衰當余供職蘇軍時彼此魚雁頻通每得一簡必洋洋數千言議論超羣或學術中之研究或精神上之發揮而對於內國之改革強隣之周旋往往獨抒己見稿有可徵其關心世事有如此者每屆假歸述及軍國問題則又慷慨激昂色舞眉飛常稱古人投筆封侯信不我欺其請纓氣概早現于此矣至若事親一節更屬不苟先考抱咳嗽三陰症恆寄杏仁粉及金鷄納以療之辛亥之初先妣見背因卽聞電馳喪背親而泣并撰思親文以哀之厥後武漢起義中校輟學遂於重九前一日返梓商于余曰武漢風雲日緊漢陽又爲官軍下矣心嚮往之事爲先考所覺力阻未果其以身殉難之志固有不言而喻者未幾桑梓籌辦保安吾弟力謀贊同忝任隊長晝操夜巡艱苦倍深詎匪兵不軌變起倉猝與同愾者其曷以堪始而惡耗之傳家也吾猶謂禦亂負傷傳之非其真也急趨視之知其見危授命竟中要害矣嗚呼今也展書篋則所讀之書具在焉啓衣箱則所服之衣猶存焉琴也笛也刀也棍也皆爲吾弟生平所喜奏喜弄者今則或懸於壁寂無聲矣或藏于鞘已有鏽矣言念及此能不淚涔况更有繼痛而痛尤甚焉者吾弟殉後時僅匝月先考三陰重發一臥不起相繼長逝嗚呼一載間傷慈傷弟又傷嚴上有霜髮祖母下餘幼齡弟妹中夜自思痛不欲生惟念廬木將傾勉爲支撐耳此景此情吾弟知之當亦破涕一哭矣魂而有靈來格來歆濡筆淚墨不知所云

匾

冷嘯吳山第一峯

其次立功

鐵血明志

志不可奪

碧血丹忱

宜興義士

名留荆水

血灑銅峯

成仁取義

冷風熱血

英名千古

同袍灑淚

至死不變

死重泰山

保安會全體

吳仁銜

曹啓驥

汪鏡徵 程 燮

肇新小學全體

典業公具

程鴻翔任家楨

徐 肅潘 潸任汝鏡

周冕英

朱 銘

儲開祿蔣樹培

戴景唐吳善培

史允恭

吳善元徐德諧

南方之強

周鳳鳴

亞東義俠

程祖貽徐祖述

吾羣一桂

任應甲

民族英雄

路彬徐振新

鐵血健兒

徐模

凜凜常在

吳文藻

大好男兒

朱雄

攸好德并跋

啓英義士青年妙質文辭淵雅其所撰立志篇於箕疇五福特致意攸好德一語今果因保護地方被難雖未竟其澤逮羣生之志卽此捍衛桑梓之功無愧好行其德者矣棣華臨難苟免涼德奚辭爰以攸好德三字篆額於義士成蹟室誌予過旌善人惋惜之心因無窮而欽佩之私亦永矢勿諼云爾東海徐棣華敬題并跋

節勉周盧并跋

陽羨山水清奇偉才問出周侯而後越數百年而有盧忠肅又越數百年而生錢君錢君幼殊了了長更落落宗海歷思其行事足使人驚人慕并令人悲愴不絕弱冠有學行

自持戰兢其中退然其言訥訥然而投筆從戎以來另具有鐵血精神與前此迥乎不同可驚也飛划竊變仗義捐軀隻身捍患古今罕有可慕也所可悲者少年被難未能轟烈作一番驚人事業輝映後世耳結局如斯良堪痛惜然而名節不朽矣考其終始益嘆錢君爲當代人傑足爲陽羨光也斯誠周侯之後勁亦盧公之同志歟吳宗海敬題并跋

匾

彼美云遙

許驥

血性男子

孫浩松

義烈

明誠女學全體

功在梓鄉

張鵬翥

邦之傑兮

萬承福

有志竟成

叔鼎

後來居上

兄卓倫

聯

姚昌頤劉金選

死者長已矣願此後事事進行萬衆一心容有濟生其足恃乎倘依然人人明哲覆巢完卵恐難期

吳保恕

由郡校來辦民團因保衛梓桑不惜舍生取義
在吾曹忝居軍界願締盟袍澤相與敵愾同仇

朱 熙

爲桑梓捐軀是真個少年人傑
聽父老交頌猶贏得沒世名稱

屠 寬

一死重泰山能保全多數同胞教人紀念
三年等逝水祇留得粲然成績助我悲辛

儲南強

死以得所爲難新國數鬼雄恨武漢多吾少年
君因保鄉遇害此身雖小殉然大名垂生氣存

張鵬翥

我曾爲國遣征會看刼後滄桑無恙故園資舊雨
君竟清鄉殞命知是少年英傑招魂今日倚東風

徐紹南

一死衛榆鄉父老含悲稱托庇
妙齡成節義干戈能執敢云殤

萬承福

義旗初起伏莽潛生榆社慶安全祖生鞭讓君先著
弱冠從戎壯心未已英魂遽縹渺羊公碑讀我何堪

徐仁騷

君如更生必能執干戈以衛社稷
人誰不死所貴作直義而勵頑聾

錢烈士守堯死事紀略 哀辭

劉虎文

集同志創設保安團聞警前驅頓教壯士身先死
合全體大開追悼會斯仇未報長使英雄淚滿襟

吳濟時

安地方不安身命賊胡太忍殲孝子殫慈孫惡耗傳兩泐東西伯叔昆季諸同胞曾否感
榮動

死軀壳不死精神魂兮自由耶天堂佛極樂革潮起念年前後水火兵刑多就義何等光

徐致章

男兒一死復奚言所痛狙擊猝遭曾未得盡烈前驅轉戰於建業城頭武昌江畔
壯士千秋長不朽行見英聲久播真無愧鄉邦後勁追配到周侯仗節盧帥成仁

曹啓驥

決死非競名慨當禦暴櫻鋒捐軀城社
誅奸以明罰誓把仇兇鑄鐵屈膝墓門

程 適 程鼎藻

才如宗慤未竟厥施遽教碧血沈埋萬里長風先折翼
變起涇原誰尸其咎空見白旗飄颻滿城殘雪爲招魂

吳育萬

責任治安經彈雨槍林恨未共埋黃土
愛逾昆季願天涯地角相期無負丹心

周學源

變生肘腋寧得云失機看沈沈燕雀危巢痛招猿鶴晶魂重安桑梓
大好頭顱斷送於小醜正莽莽龍蛇劇戰等是犧牲碧血遺恨櫻花

盧丕承

生不愧熱心志士
死何慚鐵血英魂

吳 曠

民國新紀元破趙壁易漢幟執干戈而衛鄉社卽今猛虎惡蛟梟戾更非千古比
英雄甘死事天雨粟鬼夜哭碎心膽以警同胞從此荆溪杜宇花時應喚二郎神

周 璆

拼一死振社會精神問合邑人民有知覺否
誅羣兇保地方秩序願在天靈爽實式憑之

路鴻甲 郁李芬 徐逢恩 吳嘉猷

中華民國義士之稱吾宜以君爲第一

保安團體進行益力同仇所在敢忘諸

朱其藻

時事多艱頻喪志士

大局未定繼起何人

程 燮

生而爲英歿而爲靈願採銅山銅鑄我公像
前者自仆後者自繼共磨鐵血鐵斬彼仇頭

程 毅 程 桓

衆志自成城正起舞聞雞桑梓同聲稱伯仲
四郊方多壘偷重歸花鶴卷葩雖死臭靈魂

任 奎 儲光鑑

同儕百餘人共存保衛心腸安定鄉邦不謂變起倉皇一霎捐軀成志士
君年十七歲獨肯犧牲生命衝鋒遇侮倘有式憑靈爽九京壯氣尙英雄

史國琛

所欲有甚於生流血願隨急進派
臨難不爲苟免熱心代表保安團

饒烈士守堯死事紀略 哀辭

童致馴 周子誠 范芝銘

才有可爲遇橫逆天遏其才飲恨黃土
死何足道爲保衛治安而死比重泰山

王文生 周伯祥 史曾型

逆賊肆凶徒教熱血沸騰長騎白鶴
山河未復還望英魂固結直搗黃龍

吳福和

聚吾儕奮發精神求仁與義
爲鄉社捐棄性命雖死猶生

章恩甲

投筆竟從戎夙昔丹心多俠氣
舍生以取義霎時黑夜倍愴神

吳楚華

悵望千秋一灑淚

傷心異代不同時

蔣兆燮

平日服君藝事謂他年當成美術家由今思之自愧爲淺失智識
霎時遇寇捐軀以一死不負保安會斯人往矣足喚起全體精神

任熙仲

同學半年深知氣岸不俗慕周羨盧壯懷有在
別離竟日豈意蕭牆起變心雄血熱遺憾何窮

又

君抱救世才由小學而入中學大志未伸難瞑目
我有同盟誼恨一別竟成永別傷心何處賦招魂

錢烈士守堯死事紀略

哀辭

又

同校三百輩惟君刻志勵修才本不藉中學顯
團體七十人如公熱心任事名始得以保安稱

吳宗海

醜類太猖狂君去幽冥同師殄茲醜類
英魂氣不爽我來崑崙植旆返招英魂

吳榮先

抱滿腔血挺七尺軀爲桑梓保安全禍變猝遭令我傷懷彈碧泊
愛國新民熱誠志士雖河山經光復太平未覩知君齋恨到黃泉

許同甲

君以妙質十餘齡獨能捍患捐軀多少英雄應頰首
我亦保安一分子恨未同仇敵愾仰瞻義烈倍懷慚

吳宗秀

兩邑謳思今不已

一身慷慨古來難

程鴻翔

濫竽充保安訓諫家鄉義務促望進行他年乘風破浪直搗黃龍如君正未易量
奉公因滬上滯留暮夜變端未能與衛霎時仗義衝鋒濺流碧血同志何以爲情

潘丙暘

大陸起龍蛇看壯志男兒爲桑梓犧牲瀆鐵血
么魔同鼯鼠趁半窗梅影往瓊樓玉宇駐英魂

南二社小學西社小學東北社小學

暮夜變來倉猝誤墜宵小奸謀利害勿辭不負隊員職守
霎時身歷艱危不改書生本色從容赴難堪增學界光榮

錢烈士守堯死事紀略

哀辭

育萬學校

一死視如歸于今崇拜犧牲個男兒足光吾邑
九原知未瞑此後保安桑梓諸同志尙賴君靈

宜興僧界

合掌誦南無悟澈禪機靜坐蒲團叨幸福
彈指驚西去功成正果好從羅漢證前身

荆治西四社商界全體

志在光復職在保安浩氣壯山河彈雨槍林所不避
生而聰明死而義烈英名照桑梓銅官玉女以俱存

肇新小學

爲民國紀元來絕大英雄取義成仁祖烈元堪返武肅
是陽羨光復後第一人物泐碑鑄像精魂應許耐周侯

明敏小學

生也何求所願爲民請命爲國捍患希達終軍抱負
死亦莫憾盡此一片熱忱一腔鐵血堪與汪躋流傳

明誠女子學校

執戈能衛在禮無殤花白獻雙圈此會哀逾踰童子
中彈雖危得醫可治旗紅標十字吾曹愧對張竹君

蒙正女學

桃李陰濃春風失養
芻香叩奠壞木生悲

暑餘女子圖畫講習社周悅臣吳練徐忍志等三十人

寒暑倏滄桑試重披法翰遺圖風雲意態花草精神悉見英雄真本色
世界惟鐵血須深識孤忠盡念犁掃穴庭干城邦族爭組民國自由魂

南二社小學

地方團體思底于安何意日暮變生令我同胞增紀念
性命犧牲適當其厄擬振東南文弱酬君壯志復冤仇

東南鄉旅常同學

男兒好赴沙場爲宜邑民團一分子卽爲中華民族一分子變起非常在鄉里死雖死猶
私憾

吾黨遽殞英杰合旅外同學數十人又合保安同志數十人齊來追悼爲公誼哭并哭其

東門外巡防局

執干戈以衛社稷視死如歸庶乎孔曰成仁孟曰取義
經挫折而促進行同仇偕作所謂前事不忘後事之師

周鐵橋民團全體

非辦團防人民無實力非謀聯合團防無與援願同胞有以善其後
君不死將來多一文人君遽死今日成一烈士知足下何憾乎斯行

丁山鎮商團全體

小醜橫來飛鐵血

保安紀念鑄銅人

葉紹雲

不壽能傳名彭壽汪殤斯殤亦壽

舍生爲取義榮生哀死乃死猶生

宜興日報社全體

爲三萬餘同胞力捍身家曠代仰英才藝事都爲氣節掩
於二十紀鄉邦特開血史徵文揚偉跡墨痕不及淚珠多

張連珠

屈服生決鬪生皆生也知舍知從堪稱志士
廬下死沙場死等死耳孰輕孰重請質同人

錢烈士守堯死事紀略

哀辭

沈怡雲

禍福竟無常結團體於鄉邦爲福所倚乃禍所伏
生死何足論播義聲于社會雖死之日猶生之年

朱了洲

漢賊未盡除突來小醜跳梁演成慘劇
公憤斯大動全仗同仇敵愾圖慰忠魂

張汝翼 吳信康 程述英 徐仁達

此人不朽此會不朽自攜濁酒哀箏慷慨登場同痛哭
其才無雙其俠無雙回想雄冠劍佩英豪到死亦威嚴

吳德讓

修己以安人見危授命

舍生而取義其死也哀

儲鳳翥 儲緯武

昂藏一少年，具冒險精神，竟忘蜂蠆有毒。
慷慨明大義，盡保安義務，不惜犧牲其身。

朱超 朱銘

聯隊義高趨應變，時機肯惜頭顱一擲。
愛鄉情切倡成仁，榜樣提醒骨肉相殘。

吳中望 吳震澤 吳景璘 徐拱北

由文而武急公如私，時事大有爲溯數紀前衣錦家聲感君昆玉。
胡虜未夷國殤先逝，毅靈常不沫激闔境人成城衆志固我鄉邦。

陳潤身

雅誼勝同胞，頻年契結苔苔細訴衷懷多慷慨。
滿腔縈熱血，數月捍乃梓里頓教性命竟犧牲。

潘維漢 儲震寰 周承鑾

當萌蘖發生時內有備外有援何致倉猝陷此君殺身禍變
爲梓桑防衛計前者朴後者繼將以一死振同胞尙武精神

崔祥琦

遇變竟捐軀從茲簡冊流名於陽羨人物傳中又增英烈
澄清原夙志悔未疆場效命赴漢關壯士隊裏共建殊勳

蕭璞山

壯士云亡天斯醉矣
匈奴未滅君胡死爲

潘藩生

人自有生孰是長生怎得個絕世奇男雖死猶生爭一息
君安可死胡爲竟死拼灑却滿腔熱血此生不死足千秋

任家楨

死也亦何憾團曰保安是爲同胞求幸福不料勢成孤立遂令雪冷風高痛遭狙擊生也其勿忘變乘倉猝乃以一命作犧牲猶有反對多所竟至天昏地黑逋厥讎凶

徐嘉澤

殉義纔十七年爲地方造福爲社會犧牲一死無慚真烈士
識君僅兩閱月恨狙擊遽遭恨羣凶遠逸九京猶望護山河

周承黼 周爾威 周鳴高

論年方弱冠義膽何來竟能取義成仁堪徵學問
立志在保安英軀遽殞爾後銅官玉女益放光明

黃惺

虜廷批政流毒生民光復時百度維新誰復廂兵餘孽庫械慢藏大錯竟鑄成致釀犷奴
同室變
在天靈

漢兒偉軀誓殉社會市鄉團一心乃國相期同澤偕行毀家紓難共和殷組就庶慰烈士

黃仰羲

紹弓冶而衍箕裘武肅英雄原一脈
執干戈以衛社稷汪童義烈共千秋

路鳴時

桑梓有捍患功雪夜風淒流血猶傷賈志沒
英雄無用武地盧塘月黑伏戎從此積憂多

莊宗嶽

君之死豈不幸哉被難建碑報功設社笑他冷眼旁觀能如斯否
吾一鄉尙堪問乎豎儒敗事奴輩利財似此熱心志士更有誰來

鐵崖頑石

首軍警各界傑殺賊捐軀是大漢族無雙國士
繼周盧兩鄉賢成仁取義乃新陽羨第一偉人

潘澤盈

同是抱鐵血主義君既舍生誰敢畏死
非別具木石心腸人還墮淚我豈無情

吳文彪

千古論英雄亦當如是
一息成義士其死也哀

吳家驩

天道變人事變君竟焉遭不測變
保安難義務難死得其所爲尤難

吳誠一

聰明子弟被小醜傷身數固難逃才自可惜甲也又慟
武肅裔孫爲同胞生色年僅成童義盡今日喜爾莫悲

路 森

言論丰采小友中端推畏友

熱血精誠喪生處爲保衆生

徐冠瀛 徐調陽 朱家驄 朱熙臣

生爭漢族光正東南部獨立宣言構造吾鄉應讓祖鞭先快着
死比太山重合軍學界同聲追悼報告賢父無妨謝樹暫沉埋

程同權

淒風寒雨斜入蘇臺一路回首銅峯此行怎能忘死友
碧血青年望揚榆社霎時游魂玉宇獨占無妄罹奇災

周錫晉 周冕英

龍飛鳳舞萃於臨安鐵券溯英名先武肅本垂聲祖族
射虎斬蛟聿追宏烈銅山崩昨夜我孝侯當把臂入林

蔣紹汾

踴躍從戎玉女銅峯增氣色
從容就義保安社會永垂光

任良儒

熱血人竟如是矣
傷心者何以哭之

朱冕羣

生者負傷願君默佑
死有餘恨與子同仇

潘桂中

爲地方保衛身家一片熱忱我思烈士
代同胞犧牲性命千秋血食前有張公

錢烈士守堯死事紀略

哀辭

潘 潯

壯哉吾君甘爲隣里鄉黨挺身犯難竟遭生命犧牲嘆碧血染戎衣雖死亦呼雄鬼
祈此同志欲入彈雨槍林殺賊復仇藉安幽冥魂魄幸青年留玉照將來好鑄銅人

許 驥

撒手足千秋有赤血當代價以黑鐵
勵心惟一事殉鄉邦未轉戰於京津

史國粹

一腔熱血埋黃土
兩行涕淚問蒼天

王光儉

保安團作梓桑屏翰賴諸君協力撐持可憐七尺軀捐兩彈橫飛驚義膽
學生隊練草木兵戈駭羣匪突來劫奪猶幸一朝賊散風潮盪定慰英魂

又

搔首問天長懷無已

賣志沒地餘恨何窮

朱銘熙

爲社會謀利益

以性命作犧牲

林汝植

讓孺子成名凶耗遙傳我弗哭

問何人不死故鄉無恙君非殤

謝光旭

死亦何奇所恨血濺征衣未到疆場徒隕命

靈兮不昧惟願魂歸夜月再爲社會卹餘黎

錢烈士守堯死事紀略

哀辭

許以翔

民國正多艱望君發揚武士道

昊天何不弔使我痛哭學生軍

養中公學

熱心俠士未及萬里雄飛效汪躋而短命

弱冠書生偏教一時慘楚共季路以成仁

程引鈞

有普通學識有特別藝才不圖性命等犧牲致云得所

是無妄奇災是少年幸福嘗執干戈衛社稷亦可無殤

朱方來

壯志在求安司夜詎甘忘職守

同胞宜雪憤虜軀能不磔靈前

許鑄英

殘月一鉤寒燈似豆聽慘慘陰風疑是雄魂呼殺賊
彈丸侵骨熱血如潮傷磊磊壯士遽遺俠劍赴重泉

蔣曾啓 陳祖述

妒流血先鞭讓君快著
歎忠民首座愧我無緣

鮑 貞

我知君深抱熱誠兼充壯氣嘗奮民權屈抑思據丹忱志同道亦同相約英豪興漢族
勇由義起保人安不顧己危齋然小醜橫來甘飛碧血身死心未死應糾雄鬼殺蠻曹

吳保生等十人

與足下處二年零七月與足下別六十有五天風雨憶同堂誰期噩耗遙傳黃菊初開成
永訣
斯人

前聞吾師金陵建首功茲聞吾友黑夜罹慘禍悲歡均異地可恨中原多故蒼天何遽喪

路芹祥

殺君先來奪君器寄言民團須鑑前車勿委軍需資敵用
追賊猶未破賊巢深願同志共揚後盾盡誅匪類復公仇

陸鶴壽 蕭開行 蔣蔭奇

何物獷奴竟敢操戈同室

惟茲烈士乃能取義成仁

王可觀 王榮申

風雨河山腥膻終須洗淨一留惡種必生惡因咄咄飛划恨煞亡清有餘孽
犧牲身命價值自在公評千古流芳惟賴流血巍巍銅像豈徒哀輓慰英魂

朱武南

以殺身成仁者鐵漢堂堂卓然黃帝四千載文明遺胄
能捍患則祀之銅像翼翼哀哉青年十七齡磊落英魂

載文華

能執干戈以衛社稷可無殤也
率其子弟保我父兄誰之力歟

周品高

能執干戈以衛民乞乞勇夫鄉里式敬
不忘溝壑而隕命凜凜生氣社會同悲

路儒珍 路同珍 路國珍

爲什麼流血濺衣只緣保安遭匪忌
試問那報功令典應否崇拜盡哀忱

吳善元 吳善培

枕戈待旦同志能有幾人匝月來風雨聯牀勸我聞鷄當起舞
誓志保安熱心不爲衆諒一霎那烽烟滿室痛君化鶴竟歸真

億和成

殘局勉支賴司令奮臂抗爭馳除醜類
聲威再振望同人矢心自勵用慰精魂

裴禮和 江儲能

吾輩合校諸少年論奮志捐軀惟君不朽
今日追思大紀念願同心敵愾於漢有光

陳名浩 奚祖培

爲大漢起義兵辭常還鄉組織保安會成誰如君者
就地方扶危局棄文敷武執意飛划變作殲我良人

陸鶴壽

上帝太無靈竟教小醜猖狂生奪吾友
天閔如可詰定率中原豪傑來哭斯人

朱銘熙 朱銘敬

我等忝訂文字交痛疇昔研究學科遽成陳迹
君竟倏遭宵小手願後來進行治策默佑前途

任榮生

獨立樹旂保安開會數月來義務熱心光復大漢河山欲爲水火救民計
精靈雖去浩氣猶存一堂上同人追悼紀念滿天風雨正是英雄殞命時

吳文藻

壯懷未遂身先死
長使英雄淚滿襟

吳慶和

於帝國作新民是熱腸男子僅留得手傳圖畫筆墨爭妍赤胆成英雄魂魄有靈全部保
爲桑梓擔義務立尙武精神恨未能血戰沙場烽烟掃盡丹心埋冰雪首先決裂萬人安

任汝鏡

故山猿鶴幸無驚
渺渺黃爐錢仲服
僅存畫像
大陸龍蛇方啓蟄
茫茫碧落任公百
何處招魂

徐諧

性命犧牲恆爭耳
願自後全隊精神
匣劍帷燈光不滅
地方風鶴其知否
只留此幾人守望
槍林彈雨我同嘗

路鐵成

因專制達乎極點
致伏莽釀成徧地
際此大局阡危
不抱鐵血宗旨
何得登斯民於仁壽
使病魔終日纏身
及死期自曉
臨頭孰若雲那就
義長留英烈遺風
大喚起尙武之精神

朱彥培

一死何奇看眼前
同志傷心膈下
考終輪此福
九原無恙願後日
諸君努力荆南
保障賴吾儕

宋 儒

百餘人結隊保安君竟見危授命
十七齡執干捍患自留浩氣英風

任百益

學界上有數人才而今已矣熱忱未盡慘酷遽遭一死知君難瞑目
天倫中許多憾事尙忍言哉永訣不還劬勞莫報九幽埋骨豈甘心

徐宏才

奇男子不避艱危竟欲因公流鐵血
都人士何以報答惟有爲爾鑄銅人

任亮恭

落落奇才長矢一片癡心愛羣愛國
昂昂壯士灑盡滿腔熱血爲義爲公

錢烈士守堯死事紀略

哀辭

朱明復 周繩伯

脫二百餘年專制猶解倒懸犁其庭掃其穴試看萬域神州洗盡胡言胡服
羨一十七齡男兒深明大義前者仆後者繼所願成城衆志爲譟同澤同袍

杜桐生 陸克銘

知兵舊名家於江淞隅保衛治安武肅箕裘遺久遠
同堂有義士爲民國軍犧牲性命英雄俎豆祔馨香

徐沛仁

身先流血志遂成仁聽追悼同聲錢士可謂有子
戰事方殷和局難恃試蒼茫四顧男兒何以爲家

蔣曾啓

爲地方謀保衛竟蹈不測危機如君誠勇於任事
願社會共安康驚變端驟起問天胡忍傷斯人

蔣兆端

昔也同學今也同袍爲閩里保安全豈料飛災肇無妄
生而爲英歿而爲靈勸庭闡釋悲悼從來榮譽出明夷

潘 溶

能執干戈衛社稷是吾鄉底柱中流無傷奚憾
欲拯民人於水火爲國家捐軀碎骨雖死何傷

蔣有達

時局若彼國勢若彼地方若彼因安反側致災室遽喪戎旃懸知毅魄長存潛驅鐵馬金
戈而破敵
女以爭輝

學問如斯品概如斯志向如斯爲保閩閩盡義務橫權兵劫從此芳名永播定與銅官玉

徐 淮

慷慨賦同袍一死成仁不惜犧牲殉社會
共和初發軔九原賈志祇留紀念壯軍團

周 衡

慘曩時雪夜罹凶我正遠寄金陵未能哭靈爲憾
屈今日星週紀念君雖長埋玉樹從此歷劫不磨

徐子華

舍生取義可敬也惟憐大好男兒一霎風波遭此劫
以死勤事則祀之所願故鄉父老千秋俎豆報公靈

蔣叔平

爲合境保安全爲生民造幸福爲黃童白叟捍奇災胡意斯志未終竟爾飄然長逝
自同堂親道見自詩畫訂知心自切磋琢磨聯聲氣詎料霎時永訣頓增索處離羣

徐兆麟 孫浩松

男兒死矣復奚言只憐黑夜捐身畢世勳名埋泉壤
雄鬼呼之眞無愧敢籲青年毅魄九原捍衛在梓桑

周勤生

君才誠奇特好義急公竟爾犧牲性命
時事正險危長風巨浪誰作砥柱中流

潘先榮 潘徵柱

人誰不死苟能功在桑梓亦復奚憾
我輩偷生未克同嘗憂患何以忘情

路彬

着鞭恐我後兩閱月共惕鷄聲只因誼篤梓桑恨未借武漢健兒同流熱血
聞警挺身前一刹那遽遭狙擊忝在盟聯袍澤誓必誅觸蠻小醜以慰英靈

吳復

民族主義甫發明同室相殘極目神州一灑淚
中華民國此代表外患未靖傷心鄉社失奇才

錢烈士守堯死事紀略 哀辭

五十八

徐振新

裹革死沙場此語昔惟聞馬伏
執戈衛社稷不圖今復見汪蹄

吳恩熙

君爲北門鎖鑰因公擔義務來茲雪夜鈔胥走筆具精神紙上英靈飛半壁
屢對南郭溪山聞緊急鐘聲驚悉汪童殞命登堂空悵望夢中嗚咽哭同袍

朱秉奎

於一霎時遽殉其身始信青年有熱血
願各團體無忘此日共扶危局慰英魂

明誠女學代表曹 亢彤 徵

充此冒險精神死者傳矣

爲誰犧牲性命生人念諸

徐棣華

公無愧吾鄉周宣佩一流人仗大義以舉兵具熱心以任事挾毅力以拒敵拚斯七尺昂
藏何惜捐軀埋碧血
鬱只能搔首問青天

我欲借前明湯卿謀三副淚爲全國哭奇才於閩邑哭志士在藐躬哭良友積此彌腔抑

崔續貽

四千載日月重光俠烈出同年歐亞寒心山嶽震
九萬里風雲變態此邦多傑士周盧含笑鬼神驚

潘景辰

時際顛危我公議共扶疆土
變生倉猝惟君能獨制橫流

任家鼐

爲同胞犧牲一身佛云舍生耶云救世
是合邑英雄先導孔曰取義孟曰成仁

莫 浚

武漢創共和好男兒振臂齊興保全國衛全城同此千秋噴熱血
文明開吊奠新義士從頭論定誅一辭行一禮那禁合邑放悲聲

朱家驥 吳 熙

以性命作犧牲想當時奮勇直前氣挾雷霆寒賊膽
爲儕輩垂模範願此後堅持勿懈計安桑梓慰英魂

徐錫方

爲保安會雪夜捐軀熱血一腔公眞奇男子
看各團體風前隕涕留名千古勇冠國民軍

四鄉公所

爲社會保治安龍馬精神允稱百夫特
以子身當衝阨鐵血世界重起九京靈

謙泰元 吳廣興 鄭慶餘 萬攸同

桓桓烈士竟爲里閭捐軀試看志乘昭垂當大書特書傳君義行
滾滾長溪儼向英雄灑淚從茲地方捍衛聯學界商界奮我武威

沈允文 沈 鵬

壯志未伸看民軍掃蕩金陵恨不舍生取義
英靈猶在望社會保安陽羨幸毋有初鮮終

任應甲

同列保安團如君雪夜捐軀不易得也
大開追悼會令我風前隨淚何日忘之

儲葆瑜

以國士作國殤汪錡嗣音能執干戈衛社稷
於同學得同志陸機感遊聊將文字狀英靈

錢烈士守堯死事紀略 哀辭

保安團全體

是吾黨模範哉覽十七春秋事迹投身學界列儕輩先揚子江頭則勸業名著蘭陵城畔
則求學心誠思想高德性愈優方期大好男兒光榮桑梓
者羣龍吠影內憂甚外患斯烈竟使滿腔熱血點綴山河
值時局靡爛也保二百里安寧銳志民團盾兵警後爭權爭利者妖蜮含沙不識不知

父青

予無能予自能回思擔任區務責重才疏敢謂無罪
汝不幸汝何幸蒸然遭際兵殃生年死日實命不猶

兄卓倫

難弟有生以來奢願冀華門可大喜其無孩氣無驕氣無習氣甫十七年齡敢誇讀書養
氣
心

義軍光復之後挺身爲桑梓謀安此乃是同心是熱心是甘心奈一霎時間空抱壯志雄

調寄鷓鴣天二則

枉與元方似一身季方恨未得相親誰知天意無情甚不爲蒼生惜此人 兵擾擾亂頻
頻中原多事獨傷神樓船色變梓桑地義士爲民血染塵
名重泰山大地春使君一死得安民而今立有常留石鄉土千秋憑弔頻 享俎豆脫風
塵男兒雖歿亦猶存況多手澤遺身後見物能教如見人

暨陽武夫李國屏

潢池劇盜勢披猖壯士捐軀衛梓桑搏得英名憑鐵血激成衆志固金湯國人那肯殤汪

錡賤子無緣識季方最是令原悲手足追思往事共神傷

君兄企裝先生每
述弟事泣然流涕

青年壯志薄雲霄一現曇花遽就凋遺像清高思氣概英姿爽颯想風標悲深雁序成孤
憤

企裝先生哀弟
諱沈痛非常

魂傍蛟橋賦大招父老閒談猶動色萑苻未靖恨難銷

癸丑嘉平月仲如馮曜敬題

詩

許鑄英

曾悼同袍淚未收聞君噩耗更心憂
乘風破浪成虛願武士魂消天地愁
情切桑梓俠骨捐傷心身滅匈奴先
英雄底事多摧折鐵血胎花耀九泉
男兒有志執干戈慘似汪疇可奈何
料得九原難瞑目故鄉父老淚痕多
伯牙琴斷復何知怕檢征衫舊酒痕
最是不堪風雨夜空彈熱淚賦招魂

李燮君

男兒志氣豪且雄一腔熱血託心胸
不願掛冠爲隱士但願折戟壯從戎
昔時鄂警忽傳到震驚百里起煙烽
當日同志籌捍禦勇氣百倍於胸中
軍容整肅如細柳棘門灞上皆兒童
無端么魔忽猖獗齏從平地起腥風
虎狼驟遇不及備徒手誰與之折衝
錢君挺身斗山立羣酋心慄勢洶洶
究之雖強不敵衆鎗舉夜黑流血紅
相持格鬪不少變生氣勃勃皆吳公
惜乎手執無寸鐵殄滅醜虜成大功
豈其甘心效鼠伏臨難退避懼刀鋒
平時英氣溢眉宇倉猝就義何從容
父老聞之俱涕臨傷哉保衛與誰共
吁嗟生死不足惜惜其大才竟小用
錢君此舉誠不朽聲名足並山河重
嗚呼錢君雖死猶不死千載而後凜凜
凜生氣九原逢

兄卓倫

先弟守堯因禦匪被害卓倫哀悼之切既文以述之迄今去弟歿時幾兩稔矣日處憂患之中孤苦零丁形單影隻追念疇昔痛定思痛哀弟之心烏能自己猶記曩時先嚴抱病家居聞弟驚耗一慟幾絕繼因痛弟之故病日加亟相隔僅匝月而先嚴遽捐館舍嗚呼哀哉卓倫遭家不造一載以來巖慈相繼見背而弟尤以慘烈殞身人非木石何以爲情近雖廁身軍旅而風雨晦明之際刀斗鼓角之聲觸緒紛來俱足增余悲感今同人等欲將追悼先弟之文暨詩歌輓聯付之棗梨以垂永久卓倫復綴歌行以誌哀感非曰韻語直等俚言云爾

棗萼摧殘紫荆折手足分離肝腸裂物換星移哀更深往事追思直痛絕憶昔垂髫入塾年弟性聰穎師最憐七穆三桓能對答六經四子費鑽研自幼怡怡居一室同學數年如一日出入攜手必偕行歸來時繞雙親膝人生至樂在天倫聚首庭闈笑語頻同桌連床相友愛讓棗推梨無怨嗔自入小學升中學成童漸露頭角父老頗聞歎羨聲錢氏有子荆山璞我時肄業武備中蘇常相隔魚雁通有時遺書相策勉言詞激烈意氣雄謂我國勢日漸蹙病夫貽笑如疲瘵旣作軍人休畏死丈夫會須建奇功擊楫正宜師祖逖請纓何必讓終童兩校相隔時相勗每值假歸情更篤跬步不離形影隨弟弟哥哥聲相續

爲文下筆句驚人，意思波駭與雲屬。更擅丹青繪事精，擗笛弄琴兼顧曲。蓋地武昌義旗起，郡校輟學弟旋里。維時萑苻伏莽多，旦夕市鄉驚未已。弟當斯際攘臂興，佩刀荷械衛桑梓。風餐露宿任保安，晝操夜巡無寧晷。羣盜如毛計狡獪，潛入局門圖劫械。弟曰：安可藉寇兵，勇往直前，心不戒暗陬。一彈忽飛來，霎時頓教長城壞。一片槍聲起，市闌羣驚壯士不生還。彈入左脅，右肩出血，色糝糊着地。殷少年勇氣輕鋒鏑，倉猝禦匪遭狙擊。生平大志竟未酬，玉樹土中長寂寂。吁嗟乎死者已矣，不復生者慘痛難爲情。未獲握手相決別，只今日夕惟哀鳴。空思室內壘篋奏，愁聽軍中鼓角聲。曇花一現忽枯萎，天道無知恨不平常。年事事成追憶徙倚，傍徨長太息。從今急難更何人，雁序分飛傷折翼。

妹修予

惡耗傳來淚滿眶，血衣檢點更悲傷。幽明路隔蹤難覓，一度思兄幾斷腸。奇花一現卽摧殘，滿腹傷懷欲話難。幸得去年留小影，朝朝含淚數回看。招魂乏術恨迢迢，骨肉情深未易消。多謝親朋頻勸慰，幾回拋却又來朝。一樽濁酒吊靈前，舊恨新愁斷復連。哭母哭兄渾不辨，淚珠粒粒下黃泉。

詞

徐致章

滿江紅

武肅遺風喜恰稱英雄家世卻遭遇怒潮疊湧驕兵反噬曲突徙薪先肇畫冰天雪地同
勞勤嘆無端彈雨忽橫飛風波起論品格圭璋器規抱負千城寄更文章藝術般般優
異赤手空拳狂寇襲才人志士天公忌祇博得徇義一空名雪吾涕

許鑄英

鷓鴣天

俠士頭顱捐故鄉空留血跡太心傷雄風萬里乘烟化舞劍招魂欲斷腸人寂寂月如
霜征鴻啼淚助淒涼愁懷無限憑誰訴把酒臨風奠一觴

任月岩

金縷曲

擲帽悲歌放嘆當時驕兵悍卒倒戈驟向斗大孤城危累卵滿地機槍相望賴有此微團
保障熱血一腔爲集的正黃昏風雪鑽途上猝遭襲失所仗衆何惶遽君何壯想擎燈
疾驅而出衝鋒情狀赤手空拳來肉薄已破重關壘嶂頡頏守賊無能抵抗狂寇豕狼易與

平報同袍戮力妖氛蕩盡地裏英雄喪

雙彈橫飛下血淋漓浩然之氣與光相射賊技如斯堪一唾公乃憑虛而駕死軀毅精神未也毅魄英魂彷彿在雲排槍耳後連珠打誤救至賊驚怕 豐祠特建周盧亞看穹碑題名殉義人人悲咤我竟爲公傳事略熱淚潮流鉛瀉痛曩日誰如公者攜得藏金投樂土賸孤城遑恤途人罵莫宏恨豈能化

妹修三

菩薩蠻

鷓鴣啼血儂心碎從今一別會難再追悼是明朝胸頭似水澆 哭兄徒有淚有淚還無
寂窗外月輪高雄魂何處招

家屬謝詞


謹肅者次兒守堯於月初二日遭兵變之難承 諸父老暨 諸同志以殉義相列并一切棺殮概從優待但於家人父子之間反覺情薄未免太忍日內惠賜輓聯哀詞者踵相接無功過譽抱慚之至本日又開會追悼查守堯自入保安會晝操夜巡駐所看守槍械一月有餘是晚被匪突入劫槍守堯中槍身死是自誤誤公聊以一死塞責既死之後匪卽遠遁地方頗稱安靖幸福幸福相待優異之處言難盡訴存歿均感謹此致謝

錢青率子卓倫謹鞠


常州中學同學追悼歌

錢烈士守堯死事紀略

哀詞




兩汎浩瀚傍城都 萬頃膏腴



更笠澤澄皮 銅峯攢翠



秀靈磅礴扶輿 是爲宜興名邑



相羨文物起東吳 迄今千有餘載



名譽震寰區魏魏錢公 是我同學壯義建前趨




赫赫事業 光芒萬世


六十九



殊節勉 周虛




願養榘栴 作棟樑



頂 天 立 地 賴 前 途



勉 紹 前 徽 爲 光 家 國



宏 茲 遠 模 滬 濱 首 光 復




建 業 寇 氛 猶 兇 惡 陽 羨 胡 未 遭 慘 僂



伊 誰 能 其 福 臥 薪 嘗 膽 歷 五 旬



君 常 枕 戈 宿 戎 裝 司 夜 彈 透 髀



鳴 呼 汪 童 義



烈 百 身 何 能 贖


宜興保安團追悼錢君守堯歌

錢烈士守堯死事紀略

哀詞




嗚呼錢君逝不返 嗚呼錢君去不返 白雲填




尸首 血染 般相 共患 難方



期家 月好 取獨 義累 成我 仁公 歸一 去命 耶捐



彈今 丸朝 飲設 恨奠 終同 千追 古悼 壯人 志孰 未無



伸情 身淚 已瀾 埋汛 不高 搗歌 黃當 龍哭 心聲

七十一



難悲 死嘆 靈一 魂點 飛酸 越辛 到透 陰肺 山肝

政界批錄

江蘇都督程批 宜興民政長儲南強呈請將錢守堯附祀忠義祠由

據呈錢守堯捍衛桑梓以死勤事地方人民含詞稟請附祀本籍忠賢祠等情查入祠爲榮典之一應由中央確定辦法以資遵守前據該民政長呈請將剿匪陣亡之陳佩南附祀本籍忠義祠一案業經據情咨請

國務院轉呈

大總統核奪在案應俟咨復到日撈案辦理 九月十三日

江蘇都督程批 宜興縣知事儲南強等呈報錢守堯陣亡請卹由

據呈報該邑民團隊長錢守堯剿匪陣亡請照稽勳局章程給卹等情查該故員錢守堯係平時禦亂被戕應按平時因公殞命例另案呈候核辦以示區別 中華民國二年二月

十號

江蘇都督程批 宜興縣知事許省詩呈請將團隊長錢守堯因公殞命咨部照例撫卹由

呈悉該故員錢守堯應准按平時卹賞議卹以慰忠魂仰即遵照合發表式轉飭填明送府聽候彙案辦理可也 中華民國二年三月十七號

後序

哀錄旣成議將付梓爰爲後序以誌予哀序曰清政不綱鄂渚倡義時未匝月全國響應蕞爾吾邑南峙銅峯東環具區菱幫鹽匪出沒無常建國諸君子擘畫大局昕夕靡遑固無兵力財力足以維持內地秩序嗚呼黃鶴樓頭天保城下同人愧未隨諸烈士後共埋黃土僅茲會創保安爲扶持桑梓之謀更擬軍建北伐爲規復幽燕之舉凡我邦人其再思焉無私利可圖無浮名可求區區寸衷當可質諸后土皇天而無愧怍昊天不弔淒風冷雪狐鼠夜走殲我良士哀音方播天愁地慘遐邇人庶同聲悼惜何物僉父猶懷遺憾或沙含妖蜮伎肆中傷或堯吠桀犬倡其詖辭夫志士仁人之行事本不求諒於庸夫俗子英弟生爲哲士死爲雄鬼舍生取義寧有遺恨所惜彈丸一邑非其地也國事方艾非其時也天地不仁良善是殘嗟乎英弟今日何日吾猶想風雨斗室坐臥草苫悉聞鷄鳴躍躍欲起時而泫然涕黯然淚也嗟乎英弟其能瞑目逝者固痛生者亦大可哀矣雖然有初鮮終詩人所戒爰忍哀茹痛濡墨和淚諗於邦人君子之前曰吾邑粉飾治安已一載於茲莠民惡棍遍地皆是苟念我英弟痛其遭逢則宜一乃心力共扶是邦行見兩沈滾滾永輸文明英弟之靈當亦含笑九原若猶權利是競陰賊相殘則玉女銅峯長埋荆棘中也英弟有知不來格矣哀哉

民國二年七月一日菊司吳育萬誌於冷影館

跋

辛亥秋光復之役吾邑濱湖界浙皖風鶴頻警於是有保安團之設變不才奔走庶務與錢君守堯稱莫逆十一月二日划營兵變闔局劫械君適駐守奔召回伍賊狙擊之中彈遽殞賊以有備故旋時嘯去旋就禽伏誅及君之會葬也衣冠空巷執紼如雲鄉人復爲之構祠勒碑以章風烈君兄企裴同學痛定思痛哀集文辭銘誄爲死事紀略屬變付手民歛厥之撫此一編猶想見鐵血迸飛英光流露招太空自由之魂成名山不朽之業其人傳其事傳而斯文亦俱傳矣民國二年九月程變謹跋

書爲錢守堯烈士遺事。烈士盡力於保安團。捍衛桑梓。變起倉猝。雖犧牲其一身。而鄉人實受其惠。長公企裴君。不忍其人之身歿功朽也。爰哀集生平事跡。以及社會追悼之詞。付印以廣其傳。義也。當夫涇原變起之日。毅寄跡豫章。千里相隔。義勇未睹。今忝膺編次校讎之任。讀其書。輒想見其人。而當時任事之勇。死事之烈。尤有足紀者。慨自辛亥義旗既舉。軍隊咸致力於北伐。地方治安。未暇兼顧。小醜跳梁。四起爲害。風聲鶴唳。羣苦播遷。而吾鄉里閉無一塵之驚。鷄犬有相聞之樂。使無烈士之捐軀禦患。亦何能寒匪膽。振士氣。而靖亂機於方萌耶。嗟夫。人孰旡死。或重於太山。或輕於鴻毛。苟利斯民。皆有可採。愧余不文。旡以揚厲。印旣竣。謹識數語。以表景仰之志云爾。

民國三年三月同里程 毅謹識

20
700

050

